



### Vijeće za konkurentnost

Broj: 02-02-895-1/14-VI  
Jablanica, 08.10.2014.godine

## ZAPISNIK

sa VI (6) sjednice Vijeća za konkurentnost održane 08.10.2014.g. sa početkom u 14,00 sati

Prisutni: Edin Budim, Velida Buturović HE na Neretvi Jablanica, predsjednik VZK-a Ragib Mehmedagić, Amil Babić, preduzeće Babić d.o.o., Senad Kovačević restoran Kovačević, Esad Čosić umjesto Amela Mandžuke, Općinski načelnik Salem Dedić, zamjenik predsjednika VZK-a Dženan Mulahasanović, Kemal Muratović umjesto Ajdina Teletovića, Jusuf Džafić Voćepromet d.o.o., predsjedavajući OV-a Damir Šabanović, Admir Đelmo umjesto Muhameda Idrizovića, Selma Karavdić-Gaab GIZ, Zrinjski Pelajić, Mirzo Čolaković REDAH.

Odsutni: Jasmina Hindić AC Sunce d.o.o. Jablanica, predstavnik JPHZHB – Radna jedinica Jablanica, šef odjeljenja LER-a Amela Muratović.

Predsjednik VZK-a Ragib Mehmedagić pozdravio prisutne i otvorio rad VI sjednice VZK-a. Za sjednicu predložio slijedeći

### Dnevni Red

1. Izvod iz zapisnika sa V sjednice VZK-a
  2. Formulacija prioriternih inicijativa
  3. Razmatranje, usvajanje i formulacija zajedničkih inicijativa tri konkurentna vijeća (Konjic, Prozor, Jablanica)
  4. Zaključak rasprave i dogovor o sljedećim koracima
- Dnevni red usvojen jednoglasno

#### Ad.1. Izvod iz zapisnika sa V sjednice VZK-a

Nije bilo primjedbi na Izvod iz zapisnika. Jednoglasno usvojen izvod iz zapisnika sa V sjednice VZK-a od 04.07.2014.

#### Ad.2. Razmatranje prisiglih prijedloga inicijativa i određivanje prioriternih inicijativa

Zamjenik predsjednika VZK-a Dženan Mulahasanović smatra da VZK treba razmotri tri inicijative koje su na prošloj sjednici VZK-a utvrđene kao prioritne i utvrditi redosljed i dinamiku realizacije inicijativa. Prioritnu inicijativu razraditi, utvrditi konkretne aktivnosti, rokove i zatim uputiti inicijativu na usvajanje Općinskom vijeću Jablanica.

Selma Karavdić-Gaab smatra da od tri relevantne inicijative treba odabrati prioritnu. Nakon utvrđivanja prioritne inicijative napraviti akcioni plan za realizaciju inicijative

Predsjednik VZK-a Ragib Mehmedagić smatra da članovi VZK-a glasaju za inicijative s tim da svaki član može glasati samo za jednu inicijativu, nakon toga inicijativu sa najviše glasova detaljno razraditi i uputiti u dalju procedure.

Zrinjski Pelajić ističe da se svi prisutni trebaju još jednom detaljno upoznati sa tri inicijative i



nakon toga odlučiti o prioritetnoj inicijativi.

Predsjednik VZK-a Ragib Mehmedagić je prihvatio prijedlog Zrinjskog Pelajića.

Zrinjski Pelajić je upoznao članove VZK-a sa inicijativama

Predsjednik VZK-a Ragib Mehmedagić smatra da inicijative nisu kompleksne za realizaciju tako da mogu ići u paketu.

Amil Babić smatra da treba odabrati jednu prioritetnu inicijativu, a zatim inicijativu razraditi i uputiti kao prijedlog Općinskom vijeću. Brža administracija je prioritetna inicijativa. Bolja promocija općine i osnivanje turističke zajednice su usko vezane inicijative i moguće je objediniti ove inicijative.

Selma Karavdić-Gaab smatra da VZK treba odabrati prioritetnu inicijativu, nakon toga ići u proces implementacije inicijative

Predsjednik VZK-a Ragib Mehmedagić smatra da je moguće mjesečno implementirati jednu inicijativu.

Amil Babić – raditi na implementaciji jedne inicijative ali uzeti u obzir i ostale relevantne inicijative koje treba implementirati.

Selma Karavdić-Gaab ističe da VZK treba napraviti plan implementacije inicijativa za 2015. godinu.

Zrinjski Pelajić predlaže da se napravi redosljed implementacije inicijativa.

Predsjednik VZK-a Ragib Mehmedagić: koja su moguća poboljšanja u brzini procedura u Općinskoj administraciji?

Zamjenik predsjednika VZK-a Dženan Mulahasanović ističe da zahtjevi nisu dovoljno konkretni koje procedure u administraciji treba poboljšati. U okviru radne grupe za razradu inicijative treba da budu tehnički sekretarijat, predlagač i akteri

Zrinjski Pelajić: za razradu inicijativa potrebno je definirati radne grupe, potrebne finansije i odgovorne osobe.

Selma Karavdić-Gaab smatra da je inicijative potrebno razraditi u formi akcionog plana.

Amil Babić smatra da bitni akteri i sekretarijat općine treba da budu uključeni u razradu inicijativa.

Predsjedavajući OV-a Damir Šabanović smatra da inicijative nisu dovoljno razrađene da idu na Općinsko vijeće. Inicijative su sadržane u strategiji razvoja.

Predsjednik VZK-a Ragib Mehmedagić inicijative razraditi kako bi bile konkretne i provodive

Selma Karavdić-Gaab: inicijative u ovom trenutku nisu dovoljno razrađene, ovo je draft verzija materijala. Inicijative je potrebno doraditi i poslati na Općinsko vijeće.

Zamjenik predsjednika VZK-a Dženan Mulahasanović: sekretarijat se iscrpio formulisanjem inicijativa. Svi članovi VZK-a trebaju dati aktivno učešće u formulisanju inicijativa.

Jusuf Džafić: ako inicijativa koju sam predložio nije dovoljno dobra, spreman sam povući inicijativu.

Zrinjski Pelajić: nakon što radna grupa doradi inicijativu, svi članovi VZK-a treba da daju doprinos i usaglase finalnu verziju inicijative. Ako inicijativa u početnoj formi nije savršena ne minimizirati njen značaj. Dodatnom doradom otkloniti nedostatke. Tehničkom sekretarijatu ne prebacivati kompletnu odgovornost.

Predsjednik VZK-a Ragib Mehmedagić smatra da inicijative treba dati na glasanje i utvrditi prioritetnu.

Predsjedavajući OV-a Damir Šabanović smatra da treba odrediti prioritetnu inicijativu.

Amil Babić smatra da treba odrediti prioritetnu inicijativu, radnu grupu za razradu i formulaciju inicijative i finalni materijal poslati na usvajanje Općinskom vijeću.

Općinski načelnik Salem Dedić smatra da u okviru radne grupe pored sekretarijata i predstavnika Općinske službe potrebno je uključiti i aktere u radnu grupu. Predlaže da inicijative budu poredane po sljedećoj prioritetnosti:

- brže procedura lokalne uprave,
- bolju promociju Općine
- osnivanje turističke zajednice.

Zamjenik predsjednika VZK-a Dženan Mulahasanović predlaže 10-15 dana dodatnog vremena za doradu inicijativa.



Selma Karavdić-Gaab: inicijative su dovoljno razrađene da bi se mogla utvrditi prioritarna inicijativa

Predsjednik VZK-a Ragib Mehmedagić dao je inicijative na glasanje članovima VZK-a.

Za inicijativu „brža procedura lokalne administracije“ je glasalo 8 članova VZK (Ragib Mehmedagić, Amil Babić, Senad Kovačević, Općinski načelnik Salem Dedić, zamjenik predsjednika VZK-a Dženan Mulahasanović, Kemal Muratović, Jusuf Džafić, Admir Đelmo).

Inicijative „bolja promocija (TV, sajmovi)“ i „razvoj turizma na lokalnom nivou“ niko nije podržao.

Predsjedavajući OV-a Damir Šabanović ističe da u JPP-u treba uskladiti broj članova iz javnog i privatnog sektora.

Kemal Muratović smatra da članovi radne grupe trebaju biti akteri inicijative

Amil Babić predlaže radnu grupu za razradu inicijative u sastavu Jusuf Džafić i Amil Babić iz privatnog sektora, a predstavnici javnog sektora Dženan Mulahasanović i Amela Muratović. Šefovi službi trebaju da budu pomoć radnoj grupi.

Selma Karavdić-Gaab predlaže angažovanje eksperta iz GIZ-a za provođenje i implementaciju softvera za S-48.

Općinski načelnik Salem Dedić upoznao prisutne da će Općina Jablanica dobiti softver za S-48 iz Indije.

### Ad.3. Razmatranje, usvajanje i formulacija zajedničkih inicijativa tri konkurentna vijeća (Konjic, Prozor, Jablanica)

Predsjednik VZK-a Ragib Mehmedagić upoznao prisutne sa zaključcima sastanka predstavnika VZK-a iz općina Jablanica, Konjic i Prozor održanog 23.09.2014.

Selma Karavdić-Gaab smatra da tri općine Jablanica, Konjic i Prozor trebaju uputiti inicijativu prema predstavnicima vlasti HNK-a za bolje korištenje poticaja za poljoprivredu. Napravljen je prijedlog zajedničke inicijative. Predstavnici VZK-a iz Konjica i Prozora su dali komentare na inicijativu. Nakon što se inicijativa prihvati od strane tri VZK-a upućuje se na prihvatanje u općinska vijeća Jablanice, Konjica i Prozora-Rame. Prihvaćena inicijativa od strane općinskih vijeća se upućuje Vladi HNK-a.

Zrinjski Pelajić upoznao prisutne sa inicijativama „Poticaj poljoprivrednoj proizvodnji sa razine kantona“ i „Poticaj malom gospodarstvu sa razine kantona“. Istakao kako u budžetu budu predviđena sredstva za poticaje ali se rebalansom budžeta preusmjere u druge svrhe. Dao je veliki doprinos prilikom formulacije inicijative.

Esad Ćosić napustio sastanak.

Senad Kovačević napustio sastanak.

Općinski načelnik Salem Dedić napustio sastanak.

Admir Đelmo istakao da je inicijativa dobra ali da na nivou HNK treba donijeti pravilnik i poslovnik za dodjelu poticaja.

Amil Babić upoznao prisutne da je zakonska odredba svih nivoa vlasti da 1 – 6 % budžeta bude izdvojeno za poticaje.

Jusuf Džafić istakao da su poljoprivrednici iz Mostara dobili preko deset miliona KM poticaja sa viših nivoa vlasti.

Zrinjski Pelajić istakao da poljoprivrednici u općini Prozor sa viših nivoa vlasti od 2011. godine nisu dobili poticaj.

Đelmo Admir smatra da u budžetu HNK-a ima dovoljno sredstava za poticaje. Naveo je da SPU Jablanica lobiranjem prema vlastima kantona uspio obezbjediti poticaje za poljoprivrednike sa područja općine Jablanica za 2015. godinu

Zamjenik predsjednika VZK-a Dženan Mulahasanović smatra da je inicijativa jako dobra.

Selma Karavdić-Gaab ističe da je poljoprivreda strateška razvojna grana u općinama Jablanica, Konjic i Prozor. Istakla je prednost udruživanja općinskih sredstava i sredstava sa viših nivoa vlasti.

Admir Đelmo predlaže da općine daju prijedloge namjene poticajnih sredstava.

Selma Karavdić-Gaab istakla da komentare tri VZK-a treba objediniti.

Zamjenik predsjednika VZK-a Dženan Mulahasanović smatra da doradenu inicijativu treba uputiti prema Općinskom vijeću.

Selma Karavdić-Gaab ističe da treba inicijative doraditi sa komentarima.

Predsjedavajući OV-a Damir Šabanović smatra da nema dovoljno sredstava u budžetu HNK da bi poticaji bili isplaćeni.

Jusuf Džafić smatra da se ministri bore samo za svoje interese.

Predsjedavajući OV-a Damir Šabanović smatra da privatnici prije svega posluju da bi ostvarili profit.

Amil Babić ističe da poduzetnici imaju i društvenu odgovornost što javni sektor često zaboravlja i ne cijeni adekvatno. Inicijativa se svodi na zakonsku odredbu da svi nivoi vlasti 1 – 6 % budžeta bude izdvojeno za poticaje.

Velida Buturović napustila sastanak.

Kemal Muratović smatra da je inicijativa oblik pritiska na kantonalnu vlast.

Zrinjski Pelajić ističe da je inicijativa vid pozitivnog pritiska na buduće odluke.

Predsjednik VZK-a Ragib Mehmedagić je dao inicijativu na glasanje.

Sedam glasova je bilo za usvajanje inicijative: Ragib Mehmedagić, Amil Babić, Edin Budim, Općinski načelnik Salem Dedić, zamjenik predsjednika VZK-a Dženan Mulahasanović, Kemal Muratović, Jusuf Džafić, Admir Đelmo

Protiv je glasao predsjedavajući OV-a Damir Šabanović.

Inicijativa nije usvojena

Predsjedavajući OV-a Damir Šabanović istakao da je prekinut u svom izlaganju i da nije bio saslušan. Komentare na inicijativu će naknadno dostaviti

Selma Karavdić-Gaab predlaže organizovanje sastanaka VZK u narednih 10 - ak dana


#### Ad.4. Zaključak rasprave i dogovor o sljedećim koracima

Inicijativa „brža procedura lokalne administracije“ je prioritarna inicijativa za članove VZK-a. Za razradu ove inicijative formirana je radna grupa u sastavu: Jusuf Džafić i Amil Babić iz privatnog sektora, a predstavnici javnog sektora Dženan Mulahasanović i Amela Muratović. Šefovi službi trebaju da budu pomoć radnoj grupi.

U narednih 10-ak dana potrebno je zakazati novu sjednicu VZK-a gdje bi na dnevnom redu bila tačka „Razmatranje, usvajanje i formulacija zajedničkih inicijativa tri konkurentna vijeća (Konjic, Prozor, Jablanica)“.


Sastanak zaključen u 15:55.

Zapisničar



**Jasmin Zahirović**

Predsjednika VZK-a



**Ragib Mehmedagić**